

## Hysbysiad Prosesu Teg

### Gwastraff ac Ailgylchu



#### 1. Pam ydyn ni'n casglu a chadw eich gwybodaeth bersonol?

Rydym yn casglu ac yn defnyddio eich gwybodaeth bersonol er mwyn darparu neu ddanfôn cynwysyddion a/neu fagiau ailgylchu gwastraff, er mwyn ein galluogi i gasglu gwastraff ailgylchadwy a chynhyrchion hylendid amsugol ar wahân.

Rydym yn prosesu eich data am y rhesymau canlynol:

- Mae **rhwymedigaeth gyfreithiol** arnom i wneud hynny
- Rydych chi wedi dechrau **contract** gyda ni.
- Mae'n angenrheidiol er mwyn cyflawni'r **dasg gyhoeddus** hon
- Mae'n angenrheidiol ar sail **buddiant dilys**

Hefyd, mae angen i'n gwasanaeth ddefnyddio data personol sensitif a elwir yn "ddata categori arbennig" y mae angen ei amddiffyn yn well i'w gadw'n ddiogel. Yn aml, gall fod yn wybodaeth na fydddech chi eisiau i bobl wybod amdani ac sy'n bersonol iawn i chi.

Byddwn yn gofalu am y data hwn yn ofalus iawn. Y rheswm cyfreithiol dros gasglu a defnyddio'r wybodaeth bersonol hon yw:

- (a) Mae'n angenrheidiol er mwyn cyflawni ein dyletswyddau statudol. Mae dyletswydd gyfreithiol ar Gyngor Sir Penfro, dan Ddeddf Diogelu'r Amgylchedd 1990, i gasglu gwastraff y cartref.
- (b) Mae'n hanfodol ar gyfer achosion cyfreithiol, er enghraifft taflu sbwriel neu dipio anghyfreithlon

#### 2. Beth rydym yn ei gasglu a sut defnyddir y wybodaeth sydd gennym ni amdanoch?

Byddwn yn casglu digon o wybodaeth bersonol er mwyn darparu gwasanaethau i chi at y dibenion canlynol:-

- Casglu Sbwriel
- Casglu Gwastraff Ailgylchu
- Cynhyrchion Hylendid Amsugol
- Casglu Gwastraff Bwyd
- Casglu Gwastraff yr Ardd, gan gynnwys casglu coed Nadolig
- Danfôn cadis, bocsys a bagiau at y cyhoedd
- Casglu Gwastraff Masnachol
- Casglu Gwastraff Swmpus y Cartref
- Taflu sbwriel a chŵn yn baeddu – os bydd rhywun yn cael ei ddal, gall gael hysbysiad cosb benodedig (dirwy).
- Tipio anghyfreithlon – gallwch gael hysbysiad cosb benodedig am dipio'n anghyfreithlon.

Bydd y wybodaeth a ddarparwch yn cael ei phrosesu yn unol â Rheoliadau Diogelu Data Cyffredinol 2016, Deddf Diogelu'r Amgylchedd 1990 a Rheoliadau Gwastraff a Reolir (Cymru a Lloegr) 2012.

Byddwn yn gwneud unrhyw ddatgeliadau sy'n ofynnol yn ôl y gyfraith ac efallai y byddwn yn rhannu'r wybodaeth hon â chyrrff eraill sy'n gyfrifol am archwilio/gweinyddu arian cyhoeddus i sicrhau bod arian yn cael ei dargedu a'i wario yn y modd mwyaf priodol a chost effeithiol. Er mwyn cyflawni hyn, efallai bydd gwybodaeth yn cael ei rhannu ag adrannau mewnol eraill yng Nghyngor Sir Penfro a gydag Archwilydd Cyffredinol Cymru.

Ni fyddwn yn datgelu unrhyw beth i drydydd partïon at ddibenion marchnata.

Bydd eich data yn ddiogel ac yn gyfrinachol bob amser, a byddwn yn casglu'r wybodaeth bersonol sydd ei hangen er mwyn prosesu eich cais am ddarparu a danfon cynwysyddion a bagiau ailgylchu gwastraff yn unig, ac i fonitro sut y defnyddir y gwasanaeth hwn, ac adrodd arno.

### 3. Am ba mor hir ydyn ni'n cadw eich gwybodaeth?

O fewn ein prif faes gwasanaeth, byddwn yn cadw'r wybodaeth a ddarparwyd i ni am **2** flynedd ar ôl y cysylltiad diwethaf, a gwaredir eich gwybodaeth yn ddiogel pan na fydd arnom ei hangen mwyach, ac eithrio'r isod.

**Cynllun Arian yn Ôl Cewynau Go lawn** – Byddwn yn cadw'r wybodaeth a ddarparwyd i ni am 7 blynedd er mwyn cydymffurfio â rheolau'r cyllid grant, a gwaredir eich gwybodaeth yn ddiogel pan na fydd arnom ei hangen mwyach.

**Gwasanaethau casglu gyda chymorth** – Byddwn yn cadw'r wybodaeth a ddarperir i ni cyhyd â'ch bod yn gymwys am y gwasanaeth, a gwaredir eich gwybodaeth yn ddiogel pan na fydd arnom ei hangen mwyach.

**Tipio Anghyfreithlon** – Byddwn yn cadw'r wybodaeth a gesglir ac a ddarperir am **7** blynedd ar ôl y weithred ddiwethaf, gan gynnwys erlyn, a gwaredir eich gwybodaeth yn ddiogel pan na fydd arnom ei hangen mwyach.

### 4. Mynediad i'm gwybodaeth bersonol?

Gallwch ddarganfod a oes gennym ni unrhyw wybodaeth bersonol trwy wneud cais am fynediad at ddata gan y testun dan Reoliadau Deddf Diogelu Data Cyffredinol 2016. I wneud cais am unrhyw wybodaeth bersonol a all fod gennym, bydd angen i chi wneud cais ysgrifenedig a'i anfon at:

*Tîm Mynediad i Gofnodion  
Neuadd y Sir Cyngor Sir Penfro  
Hwlfordd  
SA61 1TP*

### 5. Eich Hawliau

Dan Reoliadau Diogelu Data Cyffredinol 2016, mae gennych hawliau fel unigolyn y gallwch eu harfer mewn perthynas â'r wybodaeth sydd gennym ni amdanoch:

- Yr hawl i gael **gwybod** – Mae gan unigolyn hawl i gael gwybod bod eu data personol yn cael ei

gasglu a'i ddefnyddio. Mae hwn yn ofyniad tryloywder allweddol dan GDPR

- Yr hawl i gael **mynediad** – mae gennych hawl i wneud cais i gael mynediad at y wybodaeth sydd gennym ni amdanoch, a chael copi ohoni
- Yr hawl i **gywiro** – mae gennych hawl i ofyn i gywiro eich gwybodaeth
- Yr hawl i **ddileu** – nid yw hon yn hawl gyffredinol, a bydd yn dibynnu ar y rheswm dros brosesu eich gwybodaeth bersonol
- Yr hawl i **gludadwyedd data** – bydd hyn yn berthnasol i brosesu data wedi'i awtomeiddio yn unig
- Yr hawl i **gyfyngu ar brosesu**, o bosibl – gallech ofyn i ni roi'r gorau i brosesu eich data personol, fodd bynnag, gallai hyn beri oedi neu ein hatal rhag darparu gwasanaeth i chi. Byddwn yn ymdrechu i fodloni eich cais, ond efallai y bydd angen i ni gadw neu brosesu gwybodaeth er mwyn cydymffurfio â'n dyletswyddau cyfreithiol.
- Yr hawl i **wrthwynebu** – nid yw hon yn hawl gyffredinol, a bydd yn dibynnu ar y rheswm dros brosesu eich gwybodaeth bersonol.
- Yr hawl i dynnu eich cydsyniad yn ôl unrhyw bryd.

## 6 Cwynion

Mae Cyngor Sir Penfro yn ymdrechu i gyrraedd y safonau uchaf posibl wrth gasglu a defnyddio gwybodaeth bersonol. Am y rheswm hwn, rydym yn cymryd unrhyw gŵynion a dderbyniwn o ddifrif. Rydym yn annog pobl i roi gwybod i ni os byddant yn credu bod y ffordd rydym yn casglu neu'n defnyddio gwybodaeth yn annheg, yn gamarweiniol neu'n amhriodol.

Nid yw'r hysbysiad preifatrwydd hwn yn rhoi'r holl fanylion am bob agwedd ar y ffordd rydym yn casglu ac yn defnyddio gwybodaeth bersonol. Fodd bynnag, rydym yn hapus i ddarparu unrhyw wybodaeth neu esboniad ychwanegol os bydd ei hangen. Dylid anfon unrhyw geisiadau o'r fath at y cyfeiriad isod:

Jo Hendy, Swyddog Diogelu Data  
Cyngor Sir Penfro  
Neuadd y Sir  
Hwlfordd  
SA61 1TP

E-bost: [dataprotection@pembrokeshire.gov.uk](mailto:dataprotection@pembrokeshire.gov.uk)  
Ffôn: 01437 764551

Os hoffech gwyno am y ffordd yr ydym wedi prosesu eich gwybodaeth bersonol, gallwch gysylltu â Swyddfa'r Comisiynydd Gwybodaeth, fel y corff statudol sy'n goruchwylio cyfraith diogelu data.

Information Commissioner's Office  
Wycliffe House,  
Water Lane  
Wilmslow,  
SK9 5AF  
E-bost: [case.worker@ico.org.uk](mailto:case.worker@ico.org.uk)

## 7. Newidiadau i'r hysbysiad preifatrwydd hwn.

Rydym yn adolygu ein hysbysiad preifatrwydd yn rheolaidd.